

曼殊室利呪藏中校量數珠功德經 卷二

唐三藏法師義淨奉詔譯

爾時曼殊室利法王子菩薩摩訶薩於大眾中從座而起整理衣服偏袒右肩合掌恭敬白佛言世尊我今爲欲利益諸有情故說受持數珠功德校量福分利益差別惟願世尊哀愍聽許佛告曼殊室利善哉善哉聽汝爲說曼殊室利菩薩摩訶薩言若善男子善女人有能誦持諸陀羅尼及佛名者爲欲自利及護他人速成諸法而得驗者其數珠法應當如是作意受持然其珠體種種不同若以鐵爲數珠者誦掐一徧得福五倍若用赤銅爲數珠者誦掐一徧得福十倍若用真珠珊瑚等寶爲數珠者誦掐一徧得福百倍若用梔子爲數珠者誦掐一徧得福千倍若用蓮

子爲數珠者誦掐一徧得福萬倍若用因陀囉佉又爲數珠者誦掐一徧得福百萬倍若用烏嚧陀囉佉又爲數珠者誦掐一徧得福百億倍若用水精爲數珠者誦掐一徧得福千億倍若用菩提子爲數珠者或用掐念或但手持誦數一徧其福無量不可筭計難可校量若欲願生諸佛淨土者應當依法受持此珠曼殊室利菩薩言菩提子者若復有人手持此菩提珠不能依法念誦佛名及陀羅尼但能手持隨身行住坐卧所出言說若善若惡斯由此人以持菩提子故所得功德如念諸佛誦呪無異獲福無量其數珠者要當須滿一百八顆如其難得或五十四或二十七或但十四此乃數珠功德差別以何因緣我今偏讚用菩提子獲益最勝曼殊室利菩

知二

三二

薩言乃往過去有佛出世在此樹下成等正覺時一外道邪見懷心毀謗三寶彼有一男忽被非人之所打殺外道念言我今邪見未審諸佛有何神力如來今既在此樹下成等正覺若其實聖樹應有感即將亡子卧菩提樹下作如是言佛樹若聖我子應甦以經七日誦念佛名子乃重甦外道歡喜讚言諸佛有大神力我未曾見佛成道樹現此希奇甚大威德難可思議時諸外道聞此事已捨邪歸正發菩提心信佛神力不可思議以此因緣世人皆號為延命樹其菩提樹遂有二名一名菩提樹二名延命樹爾時曼殊室利菩薩摩訶薩說是語已佛言善哉善哉曼殊室利如汝所說爾時大衆聞說持珠功德經已皆大歡喜信受奉行

曼殊室利呪藏中校量數珠功德經

音釋

知二

三三

諾奴各切 薜荔梵語具云薜荔多此云餓
 忻許斤切 藥力充切 塊塊切 僉七廉切 塑桑故切
 土像餚饌 餚饌餚饌切 交交切 醢醢切 藿藿切 藿藿切 藿藿切
 物也餚饌 餚饌餚饌切 交交切 醢醢切 藿藿切 藿藿切 藿藿切
 相切靡切 以手漬 漬漬切 漬漬切 漬漬切 漬漬切 漬漬切
 耐切青 芎藭芎藭切 芎藭芎藭切 芎藭芎藭切 芎藭芎藭切 芎藭芎藭切
 有香因 芎藭芎藭切 芎藭芎藭切 芎藭芎藭切 芎藭芎藭切 芎藭芎藭切
 日麝香麝香切 麝香麝香切 麝香麝香切 麝香麝香切 麝香麝香切 麝香麝香切
 澆古堯切 濾濾切 瀝瀝切 瀝瀝切 瀝瀝切 瀝瀝切
 拍苦洽切 搥搥切 搥搥切 搥搥切 搥搥切 搥搥切